

祠爲笠石祠，以御影石作之，數經模塌，石面如新。然其字頗小，極難讀。此碑文武天皇大寶前所建。貞享四年，水戶義公遣儒臣佐佐宗純檢視，始知爲國造墳。元祿初，新鑄鏡瘞之，更築造碑亭，以置守戶。碑文爲韓人所撰，後用唐武后永昌紀元年號。楊無恙海國叢談：「那須，那名，屬下野，今晃山左近，有西那須國造。日本國志稱神武時有將，有相，有國造，有縣主，則國造爲官名，郡守之職。究爲何人，不能詳也。」

〔三〕自注：「巖谷修，日下部東作。皆工書法，日本謂西人爲蟹行書，而伊呂波假名乃如畫蛇。」葉銘廣印人傳：「日下部東作，字鳴鶴，爲舊彥根藩士。元治、慶應間，從征討逆。明治初，歷官太政大書記。書學印學，悉有工力，鄰蘇老人推重之。嘗游中國，諸名士目之爲東海書聖云。」五代史漢臣傳：「史弘肇曰：安朝廷，定禍亂，直須長槍大劍，若毛錐子安足用哉！三司使王章曰：無毛錐子，軍賦何從集乎？毛錐子，蓋言筆也。」

無端碌碌隨官去〔二〕，仍是鏗鏗說教師〔三〕。黃面瞿夷金指爪〔三〕，可曾嫁畢女先

醫〔四〕。

〔二〕見卷六自香港登舟感懷注。

〔三〕太平御覽：「東觀漢記曰：『楊政，字子行，治梁邱易，與京兆祁聖元同好，俱名善說經書。京師號

曰：說經鏗鏗楊子行，論難縉縉祁聖元。』」

〔三〕無門關：「黃面瞿曇。」佛說十二遊經：「舍夷長者，名水光。其婦母名月女。有一城，居近其邊。生女之時，日將欲沒，餘明照其家，室內皆明，因字之爲瞿夷，晉言明女。瞿夷者，是太子第一夫人。」

〔四〕自注：「麥嘉締。本美國教師，張副使邀作隨員。在寧波時，養金氏女習西醫。近聞紐約考試得一等官醫文憑。日本歸時，已二十五歲，夷言夷服，言他日當爲覓嫁黃種人云。」嫁畢見卷一注女注。

幾年辛苦賦同袍〔二〕，膽大於身氣自豪〔三〕。得失雞蟲何日了〔三〕，笑中常備插靴刀〔四〕。

〔二〕同袍見卷二將應順天試注。

〔三〕新唐書李昭德傳：「魯王府功曹參軍丘愔上疏曰：臣觀其膽，乃大於身。」豪氣見卷一寄和周朗山注。

〔三〕見卷二出門注。

〔四〕自注：「傅烈祕。同官金山領事。初行限制華工例，余與傅君遇華船至，則出視。一日過海關，有工人羣集，一人出一手槍指余輩云：如敢引華人入境，當以此相贈。君手摸靴中銃，復笑謂之

云：汝敢否？」新唐書李義府傳：「時號義府笑中刀。」插靴刀見卷一羊城感賦注。

繞朝贈策送君歸〔二〕，魏絳和戎衆共疑〔三〕。罵我倭奴兼漢賊〔三〕，函關難閉一丸泥〔四〕。

〔二〕見卷二將應順天試注。

〔三〕見卷二和鍾西耘庶常津門感懷詩注。

〔四〕新唐書東夷傳：「日本，古倭奴也。」吳志周瑜傳：「曹操託名漢相，其實漢賊也。」

〔五〕自注：「朝鮮金宏集。」徐世昌晚晴簃詩匯：「金宏集，字道園，朝鮮人。」案：金宏集爲朝鮮左議政大臣。見卷三櫻花歌注。

褻衣博帶進賢冠〔二〕，禮樂東方萬國看。尺二璽書旗太極〔三〕，是王外戚是王官〔三〕。

〔二〕漢書雋不疑傳：「不疑冠進賢冠，帶橪具，劍佩環珞，褻衣博帶，盛服至門上謁。」

〔三〕史記匈奴列傳：「中行說令單于遺漢書，以尺二寸牘。」國語：「襄公在楚，季武子取卞使季冶逆追而予之璽書。」案：太極旗爲當時李韓國旗。

〔四〕自注：「閔泳翊。奉使美國時，在金山見之。其國書稱大朝鮮國開國五百有幾年，閔卽王妃之弟云。」史記有外戚世家。左傳：「將承王官。」

東方南海妃呼豨〔二〕，身是流離手採薇〔三〕。深夜驪龍都睡熟〔三〕，記君痛哭賦無衣〔四〕。

〔二〕見卷二重九日雨獨遊醉中作及卷三罷美國留學生感賦注。

〔三〕流離見卷一乙丑十一月避亂大埔三河虛注。採薇見卷三庚辰四月遊後樂園注。

〔四〕莊子：「夫千金之珠，必在九重之淵而驪龍領下。子能得珠者，必遭其睡也。」

〔五〕自注：「琉球馬兼才。初使日本，泊舟神戶。夜四鼓，有斜簪頰髻衣裳襤褸者，徑入舟，卽伏地痛哭，知爲琉球人。又操土音，不解所謂。」無衣見卷三流求歌注。

波臣流轉哭塗窮〔二〕，猶自低徊說故宮。中有丹書有金印〔三〕，蠻花仙蝶粉牆紅〔三〕。

〔二〕波臣見卷一遊豐湖注。晉書阮籍傳：「時率意獨駕，不由徑路，車迹所窮，輒慟哭而反。」

〔三〕見卷三流求歌注。

〔四〕自注：「向德宏。向、馬皆世族。德宏僅一微官，然間關渡海，屢求救援，國亡後誓死不歸，或言今猶寓閩中云。王宮有花名胡蝶紅，亦德宏所言。」案：向德宏爲琉球國戚，官紫巾官。

新嘉坡雜詩十二首〔二〕

天到珠崖盡〔三〕，波濤勢欲奔。地猶中國海〔三〕，人喚九邊門〔四〕。南北天難限〔五〕，東